



Шогшо эл, порымлык да гим берг!

ЯМДЕ ЛИЙ

1933 ий 1 февраль годсек лектеш.

0+

НИГӦ ОК МОНДАЛТ!

Марий Элыште «Курымашлык полк»
акцийыш тений 30 тӱжем утла ег ушнен.



Э.МОНАХОВАН фотожо.

Йошкар-Ола,
2018 ий.

Кугече лўнгалтыш



«Кугече пайрем» Folk-фестиваль 5 майыште Морко район Унчо селаште эртыш. Морко калык, пайрем ўстелым поген, тора кундем гыч толшо уна-влакым шокшын вашлие. Теве Пошкырт кундем Балтач район Нижнесикиязово ял гыч Лиана Алексеева ден Жанна Мухамедзянова **(снимкыште)** «Ўжара» ансамбль дене пырля пайремыш толыныт. Кугече лўнгалтыш дене лўнгалтме йўлам чоныштлан лишыл Марий мландыште шуктышт. «Вет лўнгалтыш – кава ден мландым ушышо тамгалан (символлан) шотлалтеш», – манит нуно.

Е.ИВАНОВА.

Авторын фотожо.



НАЦПРОЕКТ:

Йочасадым чонат

Россий Президент В.В.Путинын увертарыме «Демографий» национальный проект дене келшышын, Марий Эл Республикыште вич проект илышыш шындалалтеш. Иктыже – «Содействие занятости женщин – создание условий дошкольного образования для детей в возрасте до трёх лет». Ты проект почеш Марий Элыште йочасадлам чонач тўналыт: **2019 ий** – кум йочасадым Йошкар-Олаште да ик тўнежым Волжск олаште пашашке коллат. **2020 ий** – 4 йочасад: Йошкар-Ола – 2, Медведово посёлко – 1, Килемар район – 1. **2021 ий** – Йошкар-Олаште да Медведово районушто 2 йочасад гыч.

Кум ий жапыште кум ияш марте ийготан 2735 ньогам йочасадлашке верандат. Федерал бюджет гыч 1 миллиард 147 миллион тенге ойыралтеш. Тидын нерген Марий Эл Республикысе образований да науко министр Н.В.Адамова палдарен.

Л.ГРИГОРЬЕВА.

Мо тыгай пиал?

Тиде йодышлан йоча ик семын вәшешта, кугыен вес семын умылтара. Мый йоча семын шонем: пиал – кунам авам, ачам улыт, южо йочам кудалтен але коден каят. Кунам изи шольым таза да весела – тидат пиал. Пиал мылам – кунам ковам, кочам, кокам пўлекым ыштат. Пиалан улам, сай отметкым налмекем, мыйым ава мокта да вуем гыч ниялта.

Авамьн шоньмаште пиал – тиде кунам сар уке, кунам кече онча, кунам йоча-влакше, ача-аваже, родо-тукымжо таза улыт да келшен илат.

Сева НИКИТИН.
Кужәнер, Шўдымарий.

16 гыч 26 май
марте Россий мучко
Подписчикын декадыже
эртаралтеш. «Ямде
лий» газетлан
шудырак ак дене
возал-
таш
лиеш!

**Индекс
П4696.**



Шекланьза

Игече шокшемме дене пудий шарлен. Марий Элыште 33 еным пудий пурлын. Роспотребнадзорын увертарымыж почеш, 15 май марте «шокшо линий» пашам ышта. Лекше йодышым 8-800-555-49-43 номер дене рашемдаш лиеш.



Увер

6 майыште
Всемарийский йоча
хор Э.Сапаев лўмеш балет
да опер академический
театрыште симфонический
оркестрын шоктымыж почеш
Кугече концертыште мурен.



«Доброволец России – 2019» всероссийский конкурс увертарыме. Тагасымаш ныл этап дене эртаралтеш. Сенгыше-влаклан премийым 2-5 декабрьыште Москваште доброволец-влакын Тўнямбал форумыштышт кучыклат. Уверым <https://isma.ivanovo.ru/attachments/36508> сайтыште ончыза.



18 ияш марте ўдыр-рвезе-влак! Тиде уверым шарнен кодса: Марий Элыште 22 шагат гыч 6 шагат марте уремлаште, клублаште, кевытлаште да моло вере кугыен деч посна коштышаш огыдал! Кучалтыда гын, полиций пашаен-влак ача-авадам кычалаш тўналыт, огыт му гын, шкетын улшо йочам спецучрежденийыш коллат.



29 апрель гыч 5 май марте Марий Элыште 138 пожар лийын. Тышеч 118-же кукшо шудым, шўкшакым йўлалтымылан кўра тўналын. Идалык тўналтыш гыч 11 чодыра пожар лийын. 8 гектар чодыра йўлен. Тул дене ида мод! Марий Элыште 12 май марте чодыраш пураш чарыме.

Эзык верч крeдалыныт

Ачамын кочаже, Михаил Филиппович Ельмекеев, Ёлып Ядыкплакыште шочын-кушкын, ялсовет председатель лийын. Сар тўналмеке, элым аралаш каен. Ик тале крeдалмаште чот сусырген, 1942 ийыште ўмыржō кўрылтын. Тудым Пискарёвский шўгарлаште тоеныт.

Вес кугезе кочам, Гаврил Игнатъевич Пушкин, У Торъял педучилищым тунем пытарымеке, илышыжым школ да йоча-влак дене кылден. 1941 ийыште тушман ваштареш кучедалаш каен. Тудо истребительский противотанковый батальонысо 227-ше стрелковый дивизийыште политработник лийын. Сталинград, Брянск олала воктен крeдалын. Чот сусырген, но Берлин марте миен шуын. Сар пытымек, мōнгō пōртылын. Тудын шуко орден ден медальже-влак улыт. Кочам 1978 ийыште илыш дене чеверласен.

Мый кугезе кочам-влакым эре шарнаш да самырык тукумлан каласкалаш тўналам.

Олеся ЕЛЬМЕКЕЕВА.
У Торъял, Тошто Торъял.



Республикыштына «Курымашлык полк» акцияын координаторжылан «Юнармий» всероссийский йоча военно-патриотический мер толкын шотлалтеш.



«Курымашлык полк» парад икымше гана 2012 ий 9 майыште Томск олаште эртен. 2013 ийыште Сенгымаш кечын Российысе 120 ола ден яллаште илыше-влак ушненыт. Чылаже 180 тўжем ег лишыл егыштын фотографийыштым нумал эртен.

Шучко сар

Кугу Ачамланде сар! Мыняр илышым тый нангаенат? Мыняр ешым тулыкеш коденат? Кугезе ковам икшывыже-влакым йōсō пагытыште шкет ончен куштен. Чыла нелылыкым шке вачўмбалныже нумалын лектын. Уло вий дене пашам ыштен, йоча-влакым тунуктен, йол ўмбака шогалтен. А кугезе кочам тыныс илыш верч крeдалын, уныкаже-влак, ешыже, пўтынъ мариий калык верч вуйжым пыштен. Тау кочамлан, тау ковамлан! Ме, самырык тукум, коча-кована-влакын подвигыштым мондышаш огынал!

Марина АДИГАНОВА.
Шернур, Мустай.



Слава КРОТОВ.
Медведево,
Азаново.



Тений «Курымашлык полк» акция тўнямбалсе 100 утла эльыште эртен.



Мариий Эльыште «Курымашлык полк» акцияыш тынар ег ушнен: 2015 ий – 12,5 тўжем, 2016 ий – 17,5 тўжем, 2017 ий – 22 тўжем, 2018 ий – 32 тўжем. Йошкар-Олаште 16 тўжем ег эртен.



Патыр кочам

Мый ом шарне кугезе кочамым, Фотосўретшым веле ужынам. Ойлат: пеш тале лийын тудо. Шижам кōргō вийжым тачат. Кунам тўналын шучко сар, Каен тушман кыраш войнашке. Лочкеныт шакше фашист-влакым, Нуным, шыдым, сенгымешке. Кеч шуко йогыш шинчавўд, Сенен тушманым совет калык. Россий ок мондо нигунам, Мыят шарнен илем кочамым!

Настя ИВАНОВА.
Морко, Коркатово.



Кодшо ийын Россий мучко шарнымаш акцияыш 10,4 миллион ег ушнен. Москвасе Сенгымаш парад годым Йошкар площадь гоч 1 миллион ег эртен.

Ом мондо

Мыйын кугезе кочам Иван Васильевич Орлов 1898 ийыште Изи Руюлыште шочын. Сар деч ончыч Марфа Васильевна марлан налын. Нунын кум йочашт лийын: Егор, Таисия, Настя. Кугу Отечественный сар тўналмеке, кугезе кочам фронтыш каен. Тудын ўмыржō 1943 ий 1 мартыште Украиньыште кўрылтын.

Аня ОРЛОВА.
Мариий Турек, Сысоево.

Геройым шарнена

Сергей Романович Суворов 1922 ий 7 октябрыште шочын. Тудо мариий калыкын талешкыже. Сергей Суворов шочмо эл верч лўддымын крeдалын. Тудо 1942 ий 13 июльышто ик тале вашпижмаште 22 фашистым пытарен, нелын сусырген да 18 июльышто колен. Сергей Романович 1943 ий 31 майыште Совет Ушем Герой лўмым мариий кокла гыч эн ончыч налын. Школна лўмжым нумалеш.

Ксюша ОКУНЕВА.
Мариий Турек, Сысоево.





Ме урок деч вара сымыктыш школыш вашкена. Уло кумылын хореографий отделенийш коштына. Алевтина Николаевна мемнам кушташ тунукта. Шуко пайремыште, ятыр олаште эртаралтше конкурслашке миенна да ончыл верым налынна.

Йоча театр коллектив-влак «Театральная юность Марий Эл» республиканский фестивальште усталыкыштым тергенит. Тагасымашке Марий Элысе 12 театр студий да Киров олесе А.С.Грин лумеш библиотекин «Зурбаган» калык книга театрже ушненыт. Кумшүдө наре самырык артист мастарлыкше дене куандарен.

Сценыште – рвезе вий

Козьмодемьянск олесе А.Я.Эшпай лумеш йоча сымыктыш школын «Семья+» театр студийже Гран-при дене палемдалтын. Тудо Марий Элын чапшым Юл кундем федерал округын «Театральное Приволжье» фестивальште Нижний Новгородшто аралаш тунгалеш.



«Драме, музык да драме театр-влак» тагасыште Марий Турек районысо «Заря» каныме рүдерын «Карнавал» йоча театр студийже I степеня лауреат лийын.

«Образцовый театр коллектив-влак» тагасыште

I степеня лауреат – Волжск олесе Йоча да самырык-влак полатын «Оберег» калык театр студийже;

II степеня лауреат – «Воштончыш» музык да драме театр (Йошкар-Ола); Медведево районысо тўвыра да каныме рүдерын «Дебют» театр студийже;

III степеня лауреат – Оршанке районысо тўвыра да каныме рүдерын «Спутник» самырык театрже.

Л.ГРИГОРЬЕВА.

Лыве гай

Кружок уло школышто, «Куан» луман тудыжо. Кө тушко эре коштеш – Моторын кушташ тунемеш. Чонна лачак лыве гай. Капна ладыра куз гай. Поро, сылне кумылна. Пиалан ме улына. Моштымынам ончыкташ Калык коклаш лектына. Нуно совым руж кырат, «Тау», – манын кычкырат. **Юлия ИВАНОВА.** Кужэгер, Шорсола.



Звенигово район Кужмара школын 4-ше «Б» классыште тунемше-влак.

Пагалыме самырык лудшо йолташна! Тый иктаж-кунам театральнй рецензийым возен онченат? Уке гын, тыланет йон пуалтеш. «Пишем о театре!» всероссийский йоча конкурсым увертарыме. Марий Элыште регионсо этап 23 апрельыште тўнгалын. **Мо нерген возаш?** Интернетыште



Конкурс!

год театра2019.рф порталыш пуро да «Театр – детям» ужашыште палемдыме кудо спектакльым онченат – тудын нерген сочинийым возо. Молан лач тиде спектакльым ойырен налынат? Мо дене тудо келшен, могай кумыл тыйым авалтен ала посна эпизод чонетым тарватен – возо! Сценыште модшо артист-влак образым да персонаж-влакын койыш-шоктышыштым кузе почын ончыктенит? Декораций келшен мо? Сочиненийыштет чыла тидым почын пуышаш улат. Эше иктаж-мом ешараш шонет гын, эшеат сай!

Кө ушнен кертеи? Жап: 17-18 ияш-влак. 30 май марте колтыман.

11-16 ияш-влак коклаште конкурс кок этап дене эрта: регионсо – 23 апрель гыч 18 август марте, федеральный – 19 август гыч 1 сентябрь марте.

Сеңыше-влак кузе палемдалтыт?

Регионсо этапыште 11-16 ияш-влак коклаште сеңышылан «Артек» тўнямбал йоча рүдерыш пүтвкым пуат. Федеральный этапыште ойыртемалтше вич йочам шерге пөлек вуча. 17-18 ияш-влак коклаште латвич сеңышылан ГИТИС-ыш тунемаш пуримо годым вич балл ешаралтеш.

Театр

идалыклан пөлеклаштыше всероссийский сүрет конкурсыш 6-10 ияш йоча-влакым ушнаш ұжыт. Конкурс 18 август марте шуйна.

Кушко колтыман? teatrdetyam@russianseaso.org электрон почтыш.



Ольга Анатольевна Федотова – Марий самырык театрын артистше. Пелашыже Сергей Никанорович Якимов – Республикысе курчак театрын сцене машинистше. Кугурак ўдырышт, Настя, Национальный президент школ-интернатыште 6-шо классыште тунемеш, артист лияш ямдылалтеш. Изиракше Владислава (5 ияш) аваж дене пырля театрыш репетицийыш коштеш.

Ольга Федотова Шернур район Мустай ялеш шочын-кушкын. И.С.Палантай лўмеш тўвыра да сымыктыш колледжыште «Актёр сымыктыш» пўлкаште тунемын. Марий самырык театрын ешышкыже кокымшо курсышто тунеммыж годымак ушнен. 2004 ийыште тыште пашам ышташ тўнгалын. Икымше рольжо З.Долгован «Шудо шешке» пьесыж почеш шындыме спектаклыште лийын. Кызытат Оксинан рольжо артистын ик эн йўратымыже.

Сергей ондак Озан олаште тўвыра полатыште, вара Г.Константинов лўмеш Руш академический театрыште пашам ыштен. Тиде жапыште Настя ўдырышт шочын. «Ача йўд марте пашам ышта, мыят эре театрыште. Сандене Сергей икмыняр жап кевытыште тыршыш. Но сымыктыш дене кылдалтше чон театрышкак ўжын. 2014 ий гыч сцене маши-

Театр дене


«Черланыше»

еш

- Кў тыгай артист?

- Тиде тыглай айдеме. Воштылеш, шортеш, пашаш коштеш. Но! Тудо эше вес илыш – геройын илышыж – дене ила. Кажне чонгымо рольжым чонжо гоч колта. Артист ош кагаз гай, губко гай лийшаш, чыла шупшшаш.

15 май – Ешын кечыже.



нислан ышта», – ойла О.Федотова.

Настя – ача-аван эн кугу полшыкалышыже. Тудо изинек театрыште кушкын. Аваж дене пырля репетицийыш коштын. Кажне репетицийым ончен, йодыштын, изи канаш-влакым пуэден, кокланже шылтален ойлен. Йоча спектаклым шындыме годым Настян ойжо поснак шерге лийын: Владиславан 8 тылзаш улмыж годым авалан «И с нами голуби» спектаклыште рольым темленит. Тиде жапыште Настя шўжаржылан ава гай лийын.

Изинек кулис шенгелне кушшо йоча аван кышаж дене каяш шонен пыштен. Ешыште нигў тореш лийын огыл. Настялан «Югорно» спектаклыште модаш пиал шыргыжалын. «Кугу сценыш лекташ лўдын отыл?» йодмемлан тыгерак вашештыш:

– Уке, нимогай лўдмаш лийын огыл. Мый театр илышым сайын палем. Школыштат артист лияш ямдылалтам, сценыште шкем кучаш тунемына, сандене опыт эркын-эркын погына.

– Очыни, мемнан ешна театр дене «черле». Ончыкыжым ўдырна кугу кўкшытыш шуэш манын ўшанен кодына, – ойлат ача-ава.

Артист-влак шуко жапыштым театрыште эртарат. «Театр дене илат да шўлат» – тыге манаш лиеш Якимовмыт еш нерген.

Х.АЛЕКСАНДРОВА.

Фото-влакым еш архив гыч налме.


Мастар мурызо

Мария Бердникова (снимкыште)

Кужэnger район Кугу Лаждўр школын кумшо классыштыже тунемеш. «Мураш моткоч йўратем. Марий муро деке ковам Раисия Егоровна Бушкова шўманден. Тудо Кугу Пумарий йочасадыште музыкым туныктен», – ойла Мария. Мурымо мастарлыклан ўдырым Лаждўр клубын «Лўнгалтыш» студийжым вуйлатыше А.З.Градов туныкта. Икымше кугу сенымашыже «Ший онгыр» районысо конкурс лийын.

Е.ИВАНОВА.

Нине семўзгар-влак дене марий семмастар кокла гыч кў шоктен?



В.СМИРНОВ
ямдылен.



Вашмут: П.С.Тойлемар.





10-шо классыште шинчымашым пога. Марий литературым, математикым, физкультурым йоратен тунемеш. Эльза марий муру да марий куштымашлан шуман. Шукерте огыл школыштышт художественный самодеятельность смотр эртен. Эрвел удыр йолташыже-влак дене марий куштымашым ончыктеныт. Номерыштым гала-концертыш налыныт.
Х.АЛЕКСАНДРОВА.

Чын йолташ

Мый Сергейым чын йолташлан шотлем, молан манаш гын, тудо начар тунемше-влак-лан полша, нунылан темым умылтараш тырша. Келшымаш да тудо могай лийшашлык нерген мый книгаште шуко лудынам. Теве «Атаманыч» повестьште Миша ден Нинан келшен илымышт нерген возалтеш.



Сергей мыланем икана ойлен ыле: «Вес енлан поро пашам ыште, вара тыланет полшат». Мый йолташем дене шонгемеш келшен илаш туналам.

Иван ПЕТРОВ.
Пошкырт, Мишкан, Яныш Ялкайн лумеш Чорай марий гимназий.

Эльза - Элиса

Куандара, тора Пошкырт мландыштат марий йылмым йоратыше да марла яндарын кутырышо удыр-рвезе-влак улыт. Нунын коклаште - Эльза Аптыкаева. Шкенжым Элиса манеш. Тудо Мишкан районысо Измар ялыште марий ешеш шочын. 8-ше класс марте Токтар школыш коштын, кызыт Тынбай школышто

Шумьштем - ялем

Соказа энгер воктене Верланен шумбел ялем, Курык вуй гыч корно дене Тый декет садак вашкем. Йырым-йыр ончем мый туткын. Мом ужам гын, йолташем? Чын, кумда ужар чодыра ден(е) Авыралт шога ялем. Тыште уло шуко янлык: Мерангат да рывыжат. Тыште мый колам ший йукым - Тиде кайык-влак мурат. А кумда энгер воктечын Ший памаш йоген лектеш. Вудшө пеш яндар да тамле, Лач йумем гына шуэш. Калыкшат пеш поро тыште, Пашалан моткоч уста. Вашла полшат,

мом тый ит ыште, Ик еш гай пырля илат. Йоратем мый шочмо ялым, Кугешнен, ялем моктем! Кеч тора верлаш каем, Шумьштем Измар ялем!

Эльза АПТЫКАЕВА.
Пошкырт, Мишкан, Тынбай.



Йодыш

1. Башкортостан Республикын рудолаже - Уфа. Тудо могай энгер серыште шога? Тиде энгерын лумжым рушла, татарла да марла йонгалтымжым каласыза.
2. Башкир калыкму-тым кошартыза: «Йот кундемьште шортньö деч шерге...».
3. Аслыкуль - эн кугу, Яктыкуль - эн келге да яндар, Мулдакуль - эн шинчалан. Мо нерген ойлалтеш?

дем. З.Ер-влак.
Ош Виче. 2.Шочмо кун-
ла - Агидель, марла
- Рушла - Бела, татар-
- влак:
Вашмут-

Салтак изамлан серыш

Мыйын Женя изам Москва воктенысе танковый частьште служитла. Тений кенежым портылеш. Герман Янгузин дене пырля ик частьште улыт. Изам дене телефон дене шуэн мутланена, а серышым йоршын огына возо. Мыйын тудан письмам колтымеш шуэш. Тыгерак возем ыле:

«Сай улат, Женя изай.»

Сай салам дене Диана шужарет, авий да ачий.
Изай, телефон дене тый шагал мутланет. Тыйын тушто кузе илыметым палынем. Кунам кынелат? Кунам малаш возат? Мом пукшат? Служитлаш тыланет келша? Ме чыланат таза улына. Ачий ден авий пашам ыштат, а мый тунемаш коштам. Коча ден кова таза улыт, саламым колтат. Ме тыйым йоратена, портылметым вучена. Серышым Диана шужарет воза».

Диана САЛИКАЕВА.
Пошкырт, Караидель, Уткүстө.



Мыйын ялем

Мыйын шочмо Шүргыялемым руш-лаже Янситово манын лүмдат. Тудын историйжат онгай. Иленыт улмаш кум изак-шоляк. Иктыже – Пöтыр, весыже – Яким, а кумшыжо Янсит лийын. Нуно шонен пыштеныт суртым чогаш. Пöтыр пöртым кугу курык вуеш шынден, Яким – корем тайылеш. Янситлан лоп вер логалын. Эркин-эркын моло ен-влакат илаш толыныт. Тыге ял шочын.

Гена СКВОРЦОВ.
Морко район.



Туныктышо йодеш:

– Мыланем кум амалым каласыза, молаң те школым йöратеда? Йоча-влак рүж вашештат:
– Июнь, июль, август.



Изи пием

Күрен шинчан изи пием.
Моткочак тудым йöратем.

Модам пырля,
кочкаш пукшем,
Пелен эре малаш пыштем.
Урлыкшо дене – чехуа.
Шокшо пöртым йöрата.
Вашке кылма да чытыра –
Ашныман пöртыштö гына.

Даша ИВАНОВА.
Волжский, Пöтьял.

Мастар кид




Скрапбукинг

– ластык гыч мотор книгаг погымаш. Тудым дневникым вүдаш йöратыше-шамыч шонен луктыныт. Эн ончыч Англий ден Германийыште шарлен. Книгаште түрлö газет гыч почеламутым, заметкым араленыт. Фотокартычке лекташ тўналмек, моторын сöрастараш тунемыныт. Тыге 1830 ийыште тиде сомыл скрапбукинг лўмым налын. Кызыт скрапбукингым ышташ куштылгырак да онгай. Мутлан: «Йöратыме школем» лўман книгаш школ илышет нерген поген керта.

Е.ИВАНОВА ямдылен.

11 май – Российыште чодырам шындыме кече.



Сүретым чиялте.

Пеледыш
Мотор, сылне.
Кушкеш, сылнештара, пеледеш.
Кушкыл тамлын ўпша.
Пүртүс.
Вера СИНИЧКИНА.
Морко, Энерсола.

Тушто


Чевер мундыра мландым куча.

Пöрдеш-пöрдеш – нигунам ок чарне.

Кидше шуко, йолжо икте.

Изи гынат, пеш писе:
Мланде вошт лектын, упшым упшалын.

Лабиринтым эрте.



Интернетысе сүрет-влакым кучылтмо.

Индекс: Марий Элыште, Пошкырт ден Татарстан кундемлаште - П4696.
Тираж 1150 экз. Заказ Формат – А-4-8.
Директор-тўн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru
Сайтын адресше: yamde-lii.pro, Тел. 8(8362) 45-22-82(факс)

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательством шуктен шогымым эскерыше Федеральный службын Приволжский федеральный округысyo управленийыштыже регистрироватлыме.
Номер – ПИ №ФС 18-1999, 2005 ий 10 февральыште пуымо.

0+

Печатыш пуымо жап – 14-00, фактически – 13-00

Авторын да редакцийын шонымашышт түрлö лийын кертыт. Серыш-влак мөнгеш огыт колталт. Ак – кутырен келшыме почеш.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20 (почтовый) Эгерўмбал Амстердам, 1 (фактический).

КОНКУРС!



Маша ШАШКОВА
(Морко посёлко).



Олеся ВОЙКИНА ден Лиза КИТ-КАЕВА (Шернур, Эшполдино)



Ярослав КУБАРЕВ
(Советский, Күверсола).

«Көршөк пеледыш»

Моло фото-
влякым
https://vk.com/yamde_lii
тўшкаште ончыза.
Сеңышын лўмжым 18
майыште палемдена.



Лера ЗВЕРЕВА, Саша СОКОЛОВ,
Ульяна ЕФРЕМОВА (Советский, Кодам).



Костя ШЕХУРДИН
(Шернур, Кукнур).



Анна ГЕРАСИМОВА
(Звенигово, Кужмара).



Виталина ЕРЁМИНА
(У Торъял, Кузнеч).



Леся ПЕТРОВА
(Советский, Яштыродо).



Галина ТРОФИМОВА
(Морко посёлко).



Вика БАРАБАНОВА
(Морко, Күчыкэнгер).



Лилия КУБАРЕВА
(Советский, Күверсола).